



Broj: 01 - 1239-05 /21
Čelić, 20.05.2021. godine

Na osnovu člana 69. stav (3) i člana 70. stav (6) Zakona o javnim nabavkama ("Službeni glasnik BiH" br. 39/14) i člana 48. Statuta Javne zdravstvene ustanove Dom zdravlja Čelić, direktor Doma zdravlja Čelić donosi

ODLUKU

o poništenju postupka javne nabavke usluga -
Nabavka usluga vanrednog popravka službenog vozila za potrebe JZU Dom zdravlja Čelić,
putem konkurentskog zahtjeva za dostavu ponuda

Član 1.

(1) Poništava se postupak javne nabavke usluga putem konkurentskog zahtjeva za dostavu ponuda - Nabavka usluga vanrednog popravka službenog vozila za potrebe JZU Dom zdravlja Čelić, zajedno sa Obavještenjem o pokretanju postupka javne nabavke broj: 644-7-2-33-3-5/21 koje je objavljeno na portalu javnih nabavki dana 18.05.2021. godine u 15:12 sati.

(2) Postupak predmetne javne nabavke iz stava (1) ovog člana poništava se u skladu sa članom 69. stav (3) Zakona o javnim nabavkama ("Službeni glasnik BiH" br. 39/14) zbog dokazivih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke.

Član 2.

U skladu sa članom 70 stav (6) Zakona o javnim nabavkama ("Službeni glasnik BiH" br. 39/14), ova Odluka će se objaviti na službenoj web stranici Doma zdravlja Čelić www.dzcelic.ba

Član 3.

Odluka stupa na snagu danom donošenja.

Obrazloženje

Postupak predmetne javne nabavke usluga pokrenut je u skladu sa Posebnom odlukom o pokretanju postupka javne nabavke broj: 01-1225-05/21 od 18.05.2021. godine.

Postupak javne nabavke je pokrenut putem konkurentskog zahtjeva za dostavu ponuda. Ukupna procijenjena vrijednost nabavke iznosila je 4.200,00 KM bez PDV.

U skladu sa članom 35. stav (1) i 36. stav (1) Zakona o javnim nabavkama („Službeni glasnik BiH", broj 39/14) (u daljem tekstu: Zakon), Ugovorni organ je objavio Obavještenje o pokretanju postupka javne nabavke broj: 644-7-2-33-3-5/21 koje je objavljeno na portalu javnih nabavki dana 18.05.2021. godine u 15:12 sati.

Uzimajući u obzir preopterećenost službenih vozila za sanitetski transport u hitnim stanjima, sanitetski transport pacijenata sa potvrđenim Covid 19 ili sa sumnjom na Covid 19 u bolnicu, sanitetski transport pacijenata koji nisu hitni, ali za koje je neophodan prevoz u ležećem položaju vozilom sa krevetom, kao i zbog povećanih potreba za obavljanje kućnih posjeta pacijenata koji su nepokretni ili su u izolaciji ili kojima je potrebno uzeti bris za testiranje na Covid 19 te uzorke transportovati na UKC Tuzla radi testiranja, došlo je do nepredviđenih kvarova službenih vozila koji se nisu mogli predvidjeti. Na preopterećenost službenih vozila za

sanitetski transport pacijenata uticala je i epidemiološka situacija izazvana virusom Covid 19 od početka proglašenja prirodne nesreće 18.03.2020. godine, zbog epidemioloških mjera u formi naredbi i preporuka od nadležnih zdravstvenih vlasti.

Obzirom na ograničene kapacitete transportnih vozila sa kojima Dom zdravlja Čelić raspolaže, dotrajalost istih, uzimajući u obzir i problem putnih komunikacija od sjedišta Doma zdravlja Čelić do nadležne bolnice (UKC Tuzla) u koju se prevoze pacijenti kojima su neophodne bolničke zdravstvene usluge, kao i teritorijalnu razućenost područja općine Čelić navedeni kvarovi vozila su doveli do usloćnjavanja situacije i ugrozili nesmetano funkcioniranje. S ciljem da se isti otklone, ustanova je pokrenula postupak javne nabave. Obzirom da se u vrijeme pokretanja postupka, nisu mogli precizno utvrditi razlozi kvara na vozilu koje je bilo predmetom javne nabavke usluga, naknadno je utvřđeno da je u pitanju kvar koji je znatno veći od prethodno utvřđenog.

Imajući u vidu nepredviđenu situaciju u kojoj ugovorni organ nije mogao procijeliti stvarni uzrok kvara i imati objektivan osnov za provođenje postupka javne nabavke, ugovorni organ Dom zdravlja Čelić donosi ovu Odluku da se postupak javne nabavke usluga vanrednog popravka službenog vozila za potrebe JZU Dom zdravlja Čelić, putem konkurentskog zahtjeva za dostavu ponuda, poništi u skladu sa članom 69. stav (3) Zakona o javnim nabavkama ("Službeni glasnik BiH" br. 39/14) zbog dokazivih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke

Uzimajući u obzir navedeno, odlučeno ja kao u dispozitivu ove Odluke.

Pouka o pravnom lijeku: Protiv ove Odluke može se izjaviti žalba najkasnije u roku od deset dana od dana prijema ove Odluke. Žalba se dostavlja Ugovornom organu u tri primjerka u pisanoj formi



Direktor

Dr Zekerija Avdić, spec. interne medicine

Dostavljeno:

1. Web stranica Doma zdravlja Čelić
2. U spis predmetne nabavke
3. a/a